

*Cultura ful suave - Cultura ta e alma di un pueblo*

# Hopi a acudi na encuentro y firma di buki di Padu Lampe



**ORANJESTAD** - Diasabra dia 1 di Maart Van Dorp Book & Office na Dakota a inaugura luna cultural cu bishita di un baluarte di nos cultura, Sr. Padu Lampe, Padu del Caribe. Hopi hende a haci uso di e oportunidad aki pa compra Padu su CD nobo pa asina Padu por a firme pa nan. Remarcabel tabata cu tabatin basta interes di hobennan cu kier a haci conoci cu Padu. Manera nan mes a bisa tabata un oportunidad unico di por a conoce Padu di asina cerca y combersa y saca potret cune.

Un Señora Hulandes cu tabata canando rond den tienda tabata scucha Padu su cancionnan den background y a bin puntra si ta e meneer aki ta esun cu ta cantando. Ora cu a bise cu si

el a pidi un CD y a cumple y a laga Padu firme pe. El a bai. Un mei ora despues el a regresa cu henter su famia pasobra e ta di vakantie na Aruba y nan a bin haci conoci cu Padu y saca potret cune pasobra e no tabata sa cu ta e meneer cu a compone e Himno di Aruba y esun cu a ricibi un Zilveren Anjer for di Prins Bernhard.

Asina nos por a ripara cu Padu ta hopi stima den pueblo. Ban apoya e baluarte di nos cultura y compra su ultimo CD cual ta un joya di un CD. Padu probablemente lo tei na Van Dorp Book & Office atrobe dia 15 di Maart na e “Mercado Cultural” cu nan lo tin e dia ey. Mas informacion lo sigui den curso di e dianan aki.

